



Hieronimus ille Pragæ in Bohemia natus à te-
 neris annis operam literis dedit, atq; diligen-
 ti studio & felici ingenio effecit ut breui hinc inde
 in Academijs uerlatus eruditione nulli secundus
 existeret. Accedebat etiam morū grauitas & uitæ
 integritas. Hic cum Husi doctrinam examinasset
 atq; cum sacris literis contulisset, eandem magno
 animo complexus, Husi familiaris & studiorum
 collega factus est. Cum etiam Hussum ad Conci-
 lium iturum perspiceret eum consolatur & adani-
 mat, ut nimirum uirtutis memor rem grauius pro
 Christo & ueritatis incolumitate gerat. Quod si e-
 tiam eueniat ut res ipsa opem operamq; suam desi-
 deraret, intellecturum eum quod nec pietati neq; officio suo defuturus sit. Is
 cum anno 1415 audiret patriam ab aduersarijs multis calumnijs premi, Iohan-
 nem quoq; à Concilio indignis modis uexari, quarto die Aprilis Constātiā
 uenit. Ibi cum sibi insidias strui cognouit, postridie se Vberlingam oppidum
 Imperij uno miliari ab urbe distante recepit, ne se sciens & prudens in pericu-
 lum conijceret.